



Jo. Simonis Antiqui sculp. in aed. in Montef. 1717.

IN FESTO PENTECOSTES.

289

AD VESPERAS,
Añ. Cum complerentur. ut
infra in Laud. 290. Psalm. Di-
xit Dominus. cum reliquis de
Dominica. 125. & loco ultimi,
Psalmus. Laudate Dominum
omnes Gentes. 129.

CAPITULUM. *Añ. 2.*

Cum complerentur dies
Pentecostes, erant om-
nes discipuli pariter in
eodem loco: & factus est repente
de caelo sonus, tamquam adve-
nientis spiritus vehementis, &
replevit totam domum ubi erant
sedentes.

Hymnus.

Veni, Creator Spiritus,
Mentes tuorum visita,
Imple superna gratia,
Quae tu creasti, pectora.
Qui diceris Paracletus,
Altissimi donum Dei,
Fons vivus, ignis, Charitas,
Et spiritalis unctio.

Tu septiformis munere,
Digitus Paternae dexterae,
Tu rite promissum Patris,
Sermone ditans guttura.

Accende lumen sensibus:
Infunde amorem cordibus:
Infirma nostri corporis
Virtute firmans perpeti.

Hostem repellas longius,
Pacemque dones proximo:
Ductore sic te praevio,
Vitemus omne noxium.

Per te sciamus da Patrem,
Noscamus atque Filium,

Teque utriusque Spiritum
Credamus omni tempore.

Deo Patri sit gloria,
Et Filio, qui à mortuis
Surrexit, ac Paracito,
In saeculorum saecula. Amen.

**Sic terminantur Hymni usque
ad Vesperas Sabbati sequentis.**
Y. Repleti sunt omnes Spiritu
sancto, alleluia. *R.* Et ceperunt
loqui, alleluia.

Ad Magnificat, Antiphona.
Non vos relinquam orphanos,
alleluia: vado & venio ad vos, al-
leluia: & gaudet cor vestrum,
alleluia.

Oratio.

Deus, qui hodierna die cor-
da fidelium sancti Spiritus
illustratione docuisti: da no-
bis in eodem Spiritu recta saepe-
re, & de eius semper consolati-
one gaudere. Per Dominum
nostrum. In unitate eiusdem.

DOMINICA

Pentecostes.

Ad Matutinum, Invitatorium.
Alleluia, Spiritus Domini re-
plevit orbem terrarum: * Ven-
ite adoremus, alleluia. *Psal-*
mus. Venite, exultemus. 2.

Hymnus.

Iam Christus astra ascende-
rat,
Reversus undè venerat,
Patris fruendum munere
Sanctum daturus Spiritum.
Solennis urgebat dies,
Quo mystico septemplici

T

Or-

Orbis volūtus sépties,
Signat beata tēpora.
Cum lucis hora tertia
Repente mundus intonat;
Apostolis orantibus
Deum venire nūnciat.
De Patris ergo lumine
Decorus ignis almus est,
Qui fida Christi pectora
Calore verbi plectat.
Implēta gaudent viscera,
Afflata sancto Spiritu,
Vocesque diversas sonant,
Fantur Dei magnalia.
Notique cunctis Gēntibus,
Græcis, Latinis, Barbaris;
Simulque demirantibus,
Linguis loquuntur omnium.
Iudæa tunc incredula,
Vesana torvo spiritu,
Madere musto sobrios
Christi fideles increpat.
Sed editis miraculis
Occurrit, & docet Petrus,
Falsum profari perfidos;
Ioële teste comprobans.
Deo Patri sit gloria,
Et Filio, qui à mortuis
Surrexit, ac Paraclito,
In sæculorum sæcula. Amen.
Ad Nocturnum, Antiphona.
Factus est repente de celo so-
nus adveniētis spiritus vche-
mentis, alleluia, alleluia. **Psal-**
mus. Magnus Dominus. 68.
Ana. Confirma hoc Deus, quod
operatus es in nobis: à templo
sancto tuo, quod est in Ierusa-
lem, alleluia, alleluia. **Psalmus.**
Exurgat Deus, & dissipentur. 79.
Ana. Emitte Spiritum tuum,
& creabuntur: & renovabis fa-
ciem terræ, alleluia, alleluia.

Psalmus. Benedic anima mea
Domino: * Domine. 113.
Y. Spiritus Domini replēvit or-
bem terrarum, alleluia. **R.** Et
hoc quod continet omnia scien-
tiam habet vocis, alleluia.

Ad Laudes, & per Horas, Ana.

Cum complerentur dies
Pentecostes, erant om-
nes pariter in eodem lo-
co, alleluia. **Psalmus.** Dominus
regnavit, cum reliquis. 17. **Anti-**
ph. Spiritus Domini replēvit
orbem terrarum, alleluia. **Anti-**
phona. Replēti sunt omnes Spi-
ritu sancto, & coeperunt loqui,
alleluia, alleluia. **A**na. Fontes,
& omnia quæ moventur in aquis,
hymnum dicite Deo, alleluia.

Antiphona. Loquebantur vā-
rijs linguis Apostoli magnalia
Dei, alleluia, alleluia, alleluia.

CAPITULUM. Act. 2.

Cum complerentur dies
Pentecostes, erant omnes
discipuli pariter in eodem loco:
& factus est repente de celo so-
nus, tamquam adveniētis spiri-
tus vehementis, & replēvit totam
domum, ubi erant sedentes.

HYMNUS.

Beata nobis gaudia
Anni rediit orbita,
Cum Spiritus Paraclitus
Illapsus est Apostolis.
Ignis vibrante lumine
Linguae figuram detulit,
Verbis ut essent profusui,
Et charitate fervidi.
Linguis loquuntur omnium:
Turbae pavent Gentilium:
Musto madere deputant
Quos Spiritus replēverat.

Pa-

Patrata sunt hæc mysticè,
Pascha peracto tempore,
Sacro diernum circulo,
Quo lege fit remissio.

Te nunc Deus piissime
Vultu precamur cernuo,
Illapsa nobis cælitus
Largire dona Spiritus.

Dudum sacrata pectora
Tua replēti grātia:
Dimitte nostra crimina,
Et da quæta tēpora.

Deo Patre sit gloria,
Et Filio, qui à mortuis
Surrexit, ac Paraclito
In sæculorum sæcula. Amen.

Y. Replēti sunt omnes Spiritu
sancto, alleluia. **R.** Et coeperunt
loqui, alleluia.

Ad Benedicētus, Ana. Acci-
pite Spiritum sanctum: quorum
remiseritis peccata, remittuntur
eis, alleluia. **ORATIO.**

Deus, qui hodierna die
corda fidelium sancti Spi-
ritus illustratione docuisti: da
nobis in eodem Spiritu recta sa-
pere, & de eius semper conso-
latione gaudere. Per Dominum
nostrum. In unitate eiusdem
Spiritus sancti Deus.

Ad Primam, **R.** br. Christe
Fili Dei vivi, miserere nobis,
* Alleluia, alleluia. Christe,
Y. Qui sedes ad dexteram Patris
Alleluia, alleluia. **G**loria. Chris-
te, **Y.** Exurge Christe, adiuva
nos, alleluia. **R.** Et libera nos
propter nomen tuum, alleluia.

Ad Tertiam, Hymnus. Veni
Creatōr Spiritus, ut supra in
Vesp. 289. Qui dicitur ad Ter-
tiam per totam Oct. loco Hym-

ni, Nunc sancte. Ana. Spiritus
Domini. **CAPITULUM.** Cum
complerentur, ut supra. 290.
R. br. Spiritus Domini replēvit
orbem terrarum, * Alleluia, al-
leluia. Spiritus, **Y.** Et hoc quod
continet omnia, scientiam habet
vocis, Alleluia, alleluia.
Gloria Patri. Spiritus, **Y.** Spi-
ritus Paraclitus, alleluia. **R.** Do-
cēbit vos omnia, alleluia.

Ad Sextam, Antiphona.
Replēti sunt omnes.

CAPITULUM. Act. 2.

Facta autem hac voce, con-
venit multitudinē, & mente
confusa est, quoniam audiebat
unusquisque lingua sua illos lo-
quentes.

R. br. Spiritus Paraclitus, * Al-
leluia, alleluia. Spiritus, **Y.** Do-
cēbit vos omnia. Alleluia, al-
leluia. **G**loria Patri. Spiritus,
Y. Replēti sunt omnes Spiritu
sancto, alleluia. **R.** Et coepē-
runt loqui, alleluia.

Ad Nonam, Antiphona.
Loquebantur.

CAPITULUM. Act. 2. b

Iudæi quoque, & Proselyti,
Cretes, & Arabes: audivi-
mus eos loquentes nostris lin-
guis magnalia Dei.

R. br. Replēti sunt omnes Spi-
ritu sancto, * Alleluia, alleluia,
Replēti, **Y.** Et coeperunt loqui.
Alleluia, alleluia. **G**loria Patri.
Replēti sunt, **Y.** Loquebantur
varijs linguis Apostoli, alleluia,
R. Magnalia Dei, alleluia.

Ad Vesperas, Ana. Cum com-
plerentur, ut supra in Laud. 290.
Psalmus. Dixit Dominus. cum

T 2

re.

reliquis de Dominica, 125. qui dicuntur quotidie per Octavam. Capitulum. Cum complerentur. Hymnus. Veni Creator. 289. *Ps.* Loquebantur variis linguis Apostoli, alleluia. *R.* Magnalia Dei, alleluia.

Ad Magnificat, Antiphona.

Hodie completi sunt dies Pentecostes, alleluia: hodie Spiritus sanctus in igne discipulis apparuit, & tribuit eis charismatum dona: misit eos in univèrsum mundum predicare, & testificari: qui crediderit, & baptizatus fuerit, salvus erit, alleluia.

Oratio. Deus, qui hodierna, ut supra. 291.

Infra Octavam Pentecostes fit Officium sicut in die, exceptis Versiculis ad Nocturn. & Antiphonis ad Benedictus, & ad Magnificat, & Orationibus.

Si infra Oct. occurrat Festum ix. Lectionum transferretur post Oct. De Simplicii autem in hoc triduo nulla fit Commemoratio.

FERIA SECUNDA.

Ad Matutinum, Ps. Spiritus Domini replèvit orbem terrarum, alleluia. *R.* Et hoc quod continet omnia, scientiam habet vocis, alleluia.

Ad Benedictus, Antiphona. Sic Deus dilexit mundum, ut Filium suum unigenitum daret: ut omnis qui credit in ipsum, non pereat, sed habeat vitam æternam, alleluia.

Oratio.

Deus, qui Apostolis tuis sanctum decisi Spiritum concede plebi tuæ petitiõ-

nis effectum; ut quibus dedisti fidem, largiaris & pacem. Per Dominum. In unitate eiusdem Spiritus sancti.

Ad Magnificat, Antiphona.

Si quis diligit me, sermonem meum servabit: & Pater meus diliget eum, & ad eum veniemus, & mansionem apud eum faciemus, alleluia. *Oratio.* ut supra.

FERIA TERTIA.

Ad Matutinum, Ps. Spiritus Paraclitus, alleluia. *R.* Docèbit vos omnia, alleluia.

Ad Benedictus, Antiphona. Ego sum ostium, dicit Dñs: per me si quis introierit, salvabitur, & pascua inveniet, alleluia.

Oratio.

Adsit nobis, quæsumus Domine, virtus Spiritus sancti: quæ & corda nostra clementer expurget, & ab omnibus tæatut adversis. Per Dominum. In unitate eiusdem Spiritus sancti Deus.

Ad Magnificat, Antiphona. Pacem relinquo vobis, pacem meam do vobis: non quomodo mundus dat, ego do vobis, alleluia.

FERIA QUARTA.

Quatuor Temporum.

Ad Matutinum, Ps. Replèti sunt omnes Spiritu sancto, alleluia. *R.* Et cœperunt loqui, alleluia.

Ad Benedictus, Antiphona. Ego sum panis vivus, dicit Dominus, qui de celo descendì, alleluia, alleluia.

Oratio.

Mentes nostras, quæsumus Domine, Paraclitus, qui à te procedit, illuminet: & in-

du-

ddcat in omnem, sicut tuus promisit Filius veritatem. Qui tecum vivit & regnat in unitate eiusdem Spiritus sancti Deus.

Ad Magnificat, Antiphona.

Ego sum panis vivus, qui de celo descendì: si quis manducaverit ex hoc pane, vivet in æternum: & panis, quem ego dabo, caro mea est pro mundi vita, alleluia.

FERIA QUINTA.

Ad Matutinum, Ps. Spiritus Domini replèvit orbem terrarum, alleluia. *R.* Et hoc quod continet omnia, scientiam habet vocis, alleluia.

Ad Benedictus, Antiphona. Convocatis Iesus duodecim discipulis suis, dedit illis virtutem potestatem super omnia demonia, & ut languores curarent: & misit illos predicare regnum Dei, & sanare infirmos, alleluia.

Oratio.

Deus, qui hodierna die corda fidelium sancti Spiritus illustratione docuisti: da nobis in eodem Spiritu recta sapere: & de eius semper consolatione gaudere. Per Dominum. In unitate eiusdem Spiritus.

Ad Magnificat, Antiphona. Spiritus qui à Patre procedit, alleluia, ille me clarificabit, alleluia, alleluia.

FERIA SEXTA.

Quatuor Temporum.
Ad Matutinum, Ps. Spiritus Paraclitus, alleluia. *R.* Docèbit vos omnia, alleluia.

Ad Benedictus, Antiphona. Dixit Iesus: Ut sciatis autem quia Filius hominis habet potestatem in terra dimittendæ peccata, ait paralytico: Tibi dico, surge: tolle lectum tuum, & vade in domum tuam, & vade in domum tuam, alleluia.

Oratio.

DA, quæsumus, Ecclesiæ tuæ misericors Deus: ut sancto Spiritu congregata, hostili nullatenus incursione turbetur. Per Dominum nostrum. In unitate eiusdem Spiritus sancti Deus.

Ad Magnificat, Antiphona. Paraclitus autem Spiritus sanctus, quem mittet Pater in nomine meo, ille vos docèbit omnia, & suggeret vobis omnia, quæcumque dixerò vobis, alleluia.

SABBATO.

Quatuor Temporum.
Ad Matutinum, Ps. Replèti sunt omnes Spiritu sancto, alleluia. *R.* Et cœperunt loqui, alleluia.
Ad Benedictus, Antiphona. Charitas Dei diffusa est in cordibus nostris, per inhabitantem Spiritum eius in nobis, alleluia.

Oratio.

Mentibus nostris, quæsumus Domine, spiritum sanctum benignus infunde: cuius & sapientia conditi sumus, & providentia gubernamur. Per Dominum nostrum. In unitate eiusdem Spiritus sancti Deus.

Post Nonam celebrata Missa terminatur tempus Paschale.